



Inatsisartut  
/her

Att. Medlem af Inatsisartut, Peter Olsen, Attavitsoq

**Isumaginninnermi siunnersortit akissarsiaat pillugit § 37 naapertorlugu  
apeqqummut 164-imut akissuteqaatit.**

15-07-2016  
Sags nr. 2016-10935  
Dok. nr. 3177913

Asasara Peter Olsen

Inatsisartut suleriaasianni § 37, imm. 1 naapertorlugu apeqqutit ataani pineqartut saqqummiuppatit. Apeqqutit issuarneqarput ataasiakkaarlugillu akissuteqarfingineqarlutik.

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

Aningaasaqarnermut Naalakkersuisoqarfik apeqqutigineqartunut tamanut akissuteqarnissamut paasissutissaateqanngilaq, taamaammat apeqqutinut 5)-imut 6)-imullu llaqutariinnermut, Naligiissitaanermut Isumaginninnermullu Naalakkersuisoqarfik akissuteqartussangortinneqarpodq.

Aningaasaqarnermut Naalakkersuisoqarfik akissutinik pissarsiarineqartunik katersivoq.

**Apeqput 1. Isumaginninnikkut siunnersortit – isumaginninnermi siunnersortit perorsaanermillu suliaqartut aningaasarsiaat pillugit qanga kingullermik kattuffik namminersornerullutilu oqartussat akornanni isumaqtigiiinniartoqarpa?**

Isumaginninnermi siunnersortit AK-p 2012-imni upernaakkut isumaqtiginninniarneranut atatillugu kingullermik isumaqtigiissuteqarfingineqarput. 4

Ulloq unnuarlu paaqqinnittarfinni perorsaasut 2012-imni ukiakkut NPK-p isumaqtiginninniarnerani isumaqtigiissuteqarfingineqarput.

**a. Isumaqtigiiinniarneq kingulleq qanoq inerneqarpa? Atorfiit qulaani pineqartut qassi %-mik akissarsiaat qaffaavigineqarpat?**

Isumaginninnermi siunnersortit pillugit AK-p isumaqtiginninniarnerani akissarsiat inissimaffianni ataasiakkaanik qaffaasoqarlunilu pigaartuunermut tapisiat qaffanneqarput, taakkununnga ilanngullugu pineqartorpiaat taakku pillugit immikkut ittumik suliniuteqartoqarpoq. Isumaginninnermi siunnersortit

AK-p isumaqatigiissutai malillugit akissarsiaqartartut ukiut pingasut ingerlaneranni 3,4%-inik aningaasarsiaat nalimmassaaffigineqarput.

NPK siusinnerusukkut isumaqatiginninniarsimaneq (2008) assigalugu 2012-imi salliuinneqarpoq. 2008-mi 7,5 mio. kr.-nik naleqartumik suliassaqarfimmi aningaasarsiat 5,7%-inik qaffaaffigineqarput aamma 2012-imi 7,8 mio. kr.-nik naleqartumik aningaasarsiat 4,8%-inik qaffaaffigineqarput.

**Apeqqut 2. Isumaginninnikkut siunnersortit – socialrådgiverit perorsaanermillu suliaqartut akissarsiaatigut qaffaavigineqassagaluarputa, nunatta karsianut qanoq naleqassava? Ulloq unnuarlu sulliviusuni aammalu kommunip iluani isumaginnittoqarfinni sulisartuni.**

- a. 3 %-mik qaffaavigineqassappata?
- b. 5 %-mik qaffaavigineqassappata ?
- c. 7 %-mik qaffaavigineqassappata?
- d. 10 %-mik qaffaavigineqassappata?

Tabeli 1-imi ataaniittumi takutinneqarput pisortat ingerlataqarfiini tamani tunngaviusumik aningaasarsiat 3, 5, 7 aamma 10%-inik iluarsiiffigineqarnerisigut aningaasarsianut aningaasartuutit qaffaataat tamarmik.

Qaffaanerit procentikkaarlugit %	Isumaginninnermi siunnersortit aningaasarsiaasa qaffannerat, AK. Mio. kr.	Perorsaasut aningaasarsiaasa qaffannerat, NPK. Mio kr.	Aningaasarsiat qaffanneri tamakkerlugin. Mio kr.
3	1,1	4,4	5,5
5	1,8	7,3	9,1
7	2,6	10,3	12,8
10	3,6	14,6	18,2

Tabel 1.

Nunatta Karsiata kommunillu aningaasartuutaasa agguataarnerat tabel 2-mi takuneqarsinnaavoq.

Qaffaanerit procentikkaarlugit %	Isumaginninnermi siunnersortit aningaasarsiaasa qaffannerat, AK. Mio. kr.	Perorsaasut aningaasarsiaasa qaffannerat, NPK. Mio kr.	Aningaasarsiat qaffanneri tamakkerlugin. Mio kr.			
	Nunatta Karsia	Kommunit	Nunatta Karsia	Kommunit	Nunatta Karsia	Kommunit
3	0,1	1,0	1,5	2,9	1,6	3,9
5	0,2	1,6	2,5	4,8	2,7	6,4

7	0,3	2,3	3,5	6,7	3,8	9,0
10	0,4	3,3	5,0	9,6	5,4	12,9

Tabeli 2.

**Apeqquut 3. Isumaginninnikkut siunnersortit – isumaginninnermi perorsaanermillu suliaqartut nalinginnaasumik qaammammut qanoq akissarsiaqartinneqarpat?**

**a. Kommunimi isumaginnittoqarfimmi siunnersorti?**

Qaammammut agguaqatigiissillugu akissarsiarisarpaat 30.966,00 kr.

**b. Isumaginninnermi siunnersortit ulloq unnuarlu paaqqinnittarfinni sulisut?**

Isumaginninnermi siunnersortit ulloq unnuarlu paaqqinnittarfinni isumaginninnermi siunnersortitut suliaqartussatut tunngaviatigut atorfinitstaanngillat, meeqqalli inuuusuttullu suliniuteqarfingineqarnissaat siunnerfigalugu perorsaasutut suliaqartinneqartarlutik. Taamaammat isumaginninnermi siunnersortit NPK-p isumaqatigiissutai naapertorlugit suliassaqarfimmi atorfinitsinneqartarpuit. Tabeli 3-mi takuneqarsinnaapput NPK-mi akissarsiat agguaqatigiissinnejnarerat.

	Akissarsiat agguaqatigiissinneri koruuningorlugit
§ 5 Meeqqueriviit	23.175,00
§ 6 Ulluunerani sammisaqartitsiviit il. il.	24.911,00
§ 7 Meeqqueriviit eqimattat 2-mi innuttaasortallit	25.441,00
§ 8 Ulloq unnuarlu paaqqinnittarfiit*	29.807,00

Tabeli 3

\* Ulloq unnuarlu paaqqinnittarfinni aningaasarsiat assigiinngissuseqarnerannut pissutaapput tapit assigiinngiaarnerat, ass. pigaartuunermut tapit assigisaallu

**Apeqquut 4. Isumaginninnikkut siunnersortit – isumaginninnermi siunnersortit perorsaanermillu suliaqartut akissarsiaatigut qaffaavigineqassagaluarpata, qaammammut qanoq aningaasarsiaqalissagaluarpat..? Ulloq unnuarlu sulliviusuni aammalu kommunip iluani isumaginnittoqarfinni sulisartuni.**

**e. 3 %-mik qaffaavigineqassappata?**

**f. 5 %-mik qaffaavigineqassappata?**

**g. 7 %-mik qaffaavigineqassappata?**

**h. 10 %-mik qaffaavigineqassappata?**

Tabeli 4-mi takutinneqarput suliaqarfimmi tunngaviusumik aningaasarsiat 3, 5, 7 aamma 10%-inik iluarsiiffigineqarnerisigut akissarsiat agguaqatigiissinneri koruuninngorlugit.

Qaffaanerit procentikkaalugit	Isumaginninner mi siunnersortit	§5 Meeqqeriv iit	§6 Ulluunerani sammisaqartitsi viit il. il.	§7 Meeqqeriviit eqimattat 2-mi innuttaasorta llit	§ Ulloq unnuarlu paaqqinnittarfiiit
0% (Maannakkut qaffasissusaa)	30.966,00	23.175,00	24.911,00	25.441,00	29.807,00
3%	31.737,00	23.838,00	25.583,00	26.174,00	30.504,00
5%	32.251,00	24.281,00	26.031,00	26.663,00	30.970,00
7%	32.766,00	24.723,00	26.480,00	27.151,00	31.435,00
10%	33.537,00	25.387,00	27.152,00	27.884,00	32.133,00

Tabeli 4

**Apeqqu 5. Isumaginninnikkut siunnersortit – isumaginninnermi siunnersortit kommuneqarfinni isumaginninnerup iluani suliarisartagaannik sullisisut qummut amerlanerpaaffiliisinnaanermik Naalakkersuisuninngaanniit pilersaaruteqarpat?**

Kommuneqarfinni isumaginninnermi siunnersortit suliarisartagaannik qummut amerlanerpaaffiliinissamik Naalakkersuisut maannakkorpiaq pilersaaruteqanngillat.

Inatsisartut 2016-imi ukiakkut katersuunneranni kommunini suliarineqartartut amerlassusaat pillugit pingarnerusutigut nalunaarusiaq Naalakkersuisut saqqummiunniarpaat. Nalunaarusiaq ilaatigut aqqutigalugu sullisisut suliarisartagaat siunnerfeqartumik aalajangersaaffigineqarsinnaanersut aamma siunertamut naapertuunnersut isummerfigineqassaaq. Tamanna pissaaq Inatsisartut 2015-imi upernaakkut katersuunnerani oqaluuserisassamut 38-mut allannguutissatut siunnersuuteqartoqarneranut ilaatillugu, siunnersuut katersuunnermi akuersissutigineqarpoq.

**Apeqqu 6. Isumaginninnikkut siunnersortit – isumaginninnermi siunnersortit kommuneqarfinni isumaginninnerup iluani suliarisartagaannik sullisisut) qummut amerlanerpaaffiliisoqassagaluarpat ajornartorsiutaasinnaasutut suut Naalakkersuisuninngaanniit naatsorsuutigineqarsinnaappat?**

Kommunit tassaapput kommunit innuttaasuunut tunngatillugit isumaginninnermi suliassat suliarineqarnissaannut akisussaasuuusut. Tassa kommunit aamma akisussaaffigaat sulisunik isumaginninnermi suliassanik sullissinermi kivitseqataasussanik atorfinititsinissaq. Kommune atorfinititsisuuguni ajornartorsiutit siusinnerusukkut paasineqartassagaluarput, taamalu

iliuuserisassat annikinnerulerlutik. Misilitakkat takutissimavaat taamatut aaqqiissuteqartoqaraangat kommunit aningaasanik sipaaruteqartartut.

- a. Ajornartorsiutaasinnaasutut naatsorsuutigineqartut pillugit taava  
Naalakkersuisut qanoq aaqqiissuteqarsinnaaneq  
takorloorsinnaavaat?**

Apeqquut 6-imut akissutigineqartut takukkit.

Inussiarnersumik inuulluaqqusillunga  
Med venlig hilsen

Randi Vestergaard Evaldsen